

Minasowiet J. E.

Tetrasticha

kat.komp.



1769

I. Moq. St. Dr.

P

158

~~Boenye 4989~~

~~6868~~

6868

68.
No

~~2628~~
TETRASTICHA

Vitas singulorum

**ARCHIEPISCOPORUM
LEOPOLIENSIIUM**


Inclytæ Nationis ARMENÆ

in Polonia.

brevi Carmine.

DESIGNANTIA

JOSEPHO EPIPH: MINASOWICIO
Auctore.



68. -
AUGUSTÆ MASOVIORUM.

678
is Mitzlerianis. Anno D. 1762.
no

LECTORI BENEVOLO S.

Seriem Archiepiscoporum Leopoliensium Incl. Nar. Arm. in Polonia, duo, quod quidem sciam, scriptores Poloni, ique ambo S. I. Presbyteri rexere. Unus horum est R. P. Thadæus Kruiński, emeritus per multos annos in Perside Missionarius, qui hanc in Scholus ad suum Prodrogum belli Peruci adiectis, pag. 126. & seqq. consignavit: Alter R. P. Gaspar Niehecki, Auctor Stemmatoqraphus. qui eandem Tom. 1. sui operis Stemmatoqr. pp. 94. 95. recensuit. Uterque præter nuda nomina, pauca admodum ex actis illorum in literas retulere. Præter hos Scriptores editos, duo Mss. Autographa, ex Tabulario Leopoliensi Incl. Genris in manus nostras devenere; Utrunqne nihilominus breve, & quod unam alteramve plagulam non excedat, Porro ex istis unum, baud dubiâ conjecturâ, à quodam Anonymo S. I. Vilnæ exaratum fuisse videtur, estque ad tempora TOROSEWICII Archiprasulis referendum. Alterum multò recentius, & quod, schediasma non ineptè dixeris, Auctorem præse fert Perill. Stephanum ROSZKA, Poenitentiartum Apostolicum Clemens XI. & Præpositum Officialem Ecclesiæ Armenorum Stanislaoopolitana in Pocutia, Virum, si qui alius, in antiquitatibus suæ gentis (cuius & linguam una cum Latina & Italica perfecte calluit) apprime eruditum. Ex his igitur quantulacunque hæc a nobis collecta, & in carmen breve redacta, legentium oculis & animis subiicienda esse duximus.

VALE.



1769 I

ILLUSTRISSIMO EXCELLENTISSI-
MO ac REVERENDISSIMO DOMINO
D. JACOBO STEPHANO
AUGUSTYNOWICZ

DEI & Apostolicæ Sedis gratia
ARCHIEPISCOPO LEOPOLIENSI
ARMENORUM.

Sacrorum Proceres, quæis Urbs dedit alma LEONIS
Præfuleos fasces, ARMENIUMQUE gregem.

Accipe virtutum fulgens ANTISTES honore,

Et modulata brevi carmine facta lege.

Non quia norma Tibi vitis præscribitur istis,

Ipse sui quùm sis NORMA decora gregis:

Sed quia pro meritis voluit Tibi debitor Auctor

Extare hæc animi pignora grata fui.



TETRASTICHA.

JOANNES I.

Pontificale pedum qui primus in urbe Leonis

Adsumpsit, Regum sanguine cretus erat.

Pastores reliquos præcurrere iure videtur,

Quidni? Præcurfor nempe JOANNES erat.

Assumpsit tiaram Pontificiam A. C. 1365. testibus scriptoribus editis P. Krulinski atque Niesiecki: & ineditis videl. Stephano Roszka, & Anonymo Auctore MS. Viln.

GREGORIUS I.

Hic Cathedram rexit, Magni cognomen adeptus,

Tempore, quo Iechis iura JAGIELLO dabat.

Lignea quæ fuerat, cessit tum Ecclesia flammis,

Ut fieret saxis marmoribusque locus.

Rexit Cathedram ad A. C. 1384. teste Niesiecki, at Sr.

Roszka annum 1420. ejus regimini adsignat.

AVEDIC.

Accepit sacri gestamen honoris AVEDIC,

Qui Latio Gabriel dicitur esse logo.

Præter Lembergum, Coriati & moenia, rexit

Moldavos: tempus cætera facta silet.

P. Niesiecki regimen Ejus conicit in annum 1415. Sr. Roszka in A. C. 1445.

CHRI.

CHRISTOPHORUS

Nomine qui Christum, Christum qui mente forebat,
CHRISTOPHORO cinxit sacra tiara caput.

Nil tamen in falsis extat nisi nomen inane,

Sed quod fert Christum, cur ego inane vocem?

Præfuit Cathedra circa A. 1461. Niesieckio attestante.

St. Roszka mentionem Ejus factam reperit ad A. 1478.

idque ex inscriptione antiqua Campanilis Eccl: Camenec:

STEPHANUS.

Nomine non solo STEPHANO sat ferre coronam,

Accedit capiti mitra decora sacro.

Curia Pontificis fovet hunc, & Cæsaris aula,

Cæsar honore colit, munere Papa beat.

Accessit ad populi regimen circa A. 1485. decessit de statione Cathedra circa A. 1492. uti memoratus Roszka

l. c. adnotavit.

KILIANUS.

Ille vices primùm Pastore absente gerebat,

Post cuius mortem Pastor & ipse fuit.

Dignus qui Cathedram regeret Pastore sepulto,

Cuius rem gessit, sustinuitque bene.

Initium Ejus regiminis P. Niesiecki in A. 1490. reculit.

Andreas Lubelczyk Bochnensis, uti sui synchroni ad

A. 1549. meminit. Eundem Kalust Armenis appellari

St. Roszka tradit.

GREGORIUS II.

Cùm pravos mores non posset ferre suorum,

Indomiti Pastor noluit esse gregis.

Terram adiit Sanctam primùm, mox limina Petri,

Mutavitque solum, non gregis ingenium.

Gessit Archiepiscopatum ad A. 1557. quo tandem se abdicavit. A. 1568. Roszka citatus d. l.

BAR.



BARSUMAS.

Huius natale solum Trapezus, Lemburga tiaram
Obtulit, & populi iura sacrata dedit.

Quem quia non potuit monitis flexisse paternis,
Dimisit pariter pontificale pedum.

*Sacrae potestatis gubernacula. regio D. Stephani Bathoræi diplomate accepit A. C. 1579. d. 12, Junii (res-
se Rolszka) quæ deinde exacto triennio sponte dimisit,
si modo calculo Niesieckij standum est, qui nudo ejus no-
mini annum 1581. adscripsit.*

JOANNES II.

Sic ubi Barsumas dimisit fræna, JOANNES
Suscepit curam, sede vacante, gregis.

Soczaviz primùm præfulsit honore Cathedræ.

Hinc Lemburgensi iusque decusque dedit.

*Ab aliis in serie prætermisus, à solo Rolszka memora-
tus ad A. C. 1598.*

GARABIED.

Præcursor Latio; dictus sermone GARABIED
Gentili, sacro cinxit honore comas.

Gesta genusque Viri narrent tabularia gentis.

Nam mea, cum non sit conscia, Musa filer.

*Rolszka tempus regiminis Ejus designat ad A. 1606. Nie-
siecki mortem Ejus refert ad annum sequentem 1607.*

MIESROBIUS.

MIESROBIOS, alii quem verso nomine dicunt,
Macrobian, lustris rexit ovile tribus.

Ast bene qui vixit, bene rexit: Præfulis ejus

Non est vita brevis, non regimenque breve est.

*Niesiecki & Rolszka tempus ejus obitus in Annum 1611.
coniciunt.*

MELCHI-

MELCHISEDECH PATRIARCHA.

Hic Patriarchali cedens de sede, Leonis

Accepit falces gentis, in urbe, sacros.

Dognata Romanæ didicit docuitque Cathedræ,

Multum Pastoris vox pietasque valent.

Vacantem sedem quadriennio haud integro administravit, tandem consecrato Leopoli in gentis Antistitem TOROSEVICIO, ipse Camenecum Podolia secessit, ibique sanctissime obiit A. C. 1627. d. 18. Martii, teste P. Krusiński S. I. in Historia vers. belli Pers. p. 78. tam in textu, quam notâ marginali, ubi tamen (quod observandum velim) errore librarii, alter anni numerus perperam expressus est, proque sexcentesimo quingentesimus positus.

NICOLAUS TOROSEWICZ.

NICOLEOS Victor populi non nomine solo est,

Nam domuit populi pectora dura sui.

Flexit & ad votum Romanæ in foedera sedis,

Sic inconcussum stat pietatis opus.

Primus is Unionis Romanæ in Ecclesiam suæ gentis introductor fuit, primusque ex Polono Armenis, assumpsit Archiepiscopatum A. C. 1626. quem tandem cum vita deposuit. 1681. præsuit itaque Cathedræ annis 55. teste Niesiecki.

VARTANUS HUNANIAN.

Vir pins, & fidei causâ perpeffus iniqua,

Promovit Cathedræ commoda quæque suæ.

Indixit Synodum Clero, fundavit in urbe

Vestales regulâ sub, Benedicte, tuâ.

Annis circiter 34. in regimine exactis, de statione vitæ & Cathedræ decessit a. 1715. attestante P. Krusiński. Porro St. Roszka ducto ab a. 1686. regiminis Ejus initio, annos dumtaxat 29. Eidem assignat.



JOANNES TOBIAS AUGUSTYNOWICZ

Ingenio miti Præful, CLEMENTIS amorem

Promeruit, qui Orbi tum sacra iura dabat.

Contulit ille suæ multa ornamenta Cathedræ,

Felix, quem virtus & benefacta canunt.

*Assumptus ad regimen Cathedræ a. 1715. clavum ejus
morte dimisit a. 1751. exactis pie in Pontificatu annis
36, in vitæ vero curriculo 83.*

JACOBUS STEPHANUS AUGUSTYNOWICZ.

Orbatum Clerum, populumque dolore levasti,

Succedens Patru dignus honore Nepos.

O utinam longos Te Numen servet in annos!

Conatusque tuos prosperitate beet.

FINIS.



D 150

CZ

tytuł
nr

150

Biblioteka Jagiellońska



stdr0027975

